

乙

巳

占

二



乙 巳 占
(二)

李淳風撰

乙巳占卷第四

五星占第二十二

星宮占第二十三

歲星占第二十四

歲星入列宿占第二十五

五星干犯中宮占第二十六

五星干犯外宮占第二十七

五星占第二十二

夫形器著於下。精象繫於上。所以通山澤之氣。引性命之情。近取諸身。耳目爲肝腎之用。鼻口實心腹之資。故情欲暢於性靈。神道宣於視聽。彼此響應。豈不然歟。是以聖人體而名之。垂教後世。授之以職位。分之以國野。象之事物。效之以吉凶。雖變化萬殊。誰能越此。將來事業。可得而理焉。易曰。在天成象。在地成形。變化見矣。此之謂也。但去聖久遠。通人間作。名數多少。或有不同。今惣列之。取其理當者。以著於篇。浮華之流。刪而不錄矣。凡五星之行也。象人君次敘。不敢干犯亂常。越次當位矣。猶如月有弦望晦朔。星有合見留逆。是故歲星填星。熒惑晨見於日。後行逆于日。當其平旦之時。欲至於午上便留。留而平旦過午。

返則逆。逆行行至夕時。又欲當午上則後。更留。留而午則又順行。行極而伏與日合。則同宿共度。而受命于日。更晨見于東方。此皆不敢以昏旦之時。當於午縱任行曆。故遲凝留焉。至於金水二星。則又甚耳。晨見東方。平旦當丙己之地。便速行以追日。及之。伏與日合。合後出於西方。速行。昏時至丁未之地。即遲行待日。而又伏焉。此則日與五星。皆不敢以昏旦當午而盛。故易曰。日中則昃。月盈則蝕。天地盈虛。與時消息。是則正南方者。君人之所面向也。故莫敢輕焉。而五星伏見。日數各殊。遲疾逆順。其數不等。求之見合。大較同一術焉。今列之如左。

歲星率五十三萬四千五百三。一本云五百三百一之五。

晨伏十六日。一終三百九十八日。

熒惑率一百四萬五千九十四六分半。

晨伏七十二日。一終七百七十九日。

填星率五十萬六千六百三十八七分半。

晨伏十八日。一終三百七十八日。

太白率七十八萬二千四百五十分。

晨伏六日。一終五百八十三日。

晨見伏三百二十七分。同夕見伏二百五十六日。

辰星率十五萬五千二百七十八五分半。

晨伏十一日。一終一百一十五日。

晨見伏五十二日分。同夕見伏五十三日、五十六日。推合見日月術。

星官占第二十三

夫五星者。昊天上帝之五使。稟神受命。各司下土。雖幽潛深遠。罔不知悉。故或有福德祐助。或有禍罰威刑。或順軌而守常。或錯亂以顯異。芒角變動。光色盛衰。居留干犯。句已掩滅。所以告示者。蓋非一途矣。凡五星各有常色。各有本體。至如歲星色青。熒惑色赤。如大角。如參左肩。是其常色。填星色黃。太白色。白如五車。大星有光。辰星色黑。如奎大星。

凡五星。色青。員爲饑而憂。赤。員多旱而爭。黃。員女主喜。白。員爲喪與兵。黑。員水而病。

凡五星。黃角。土地之爭。赤角。犯誤城。白角。爲兵。青角。爲憂。黑角。死喪。

凡五星。五色變動者。青爲憂。赤爲爭。黃爲喜。白爲兵。黑爲喪病。

夫五星係八卦。填星係于坤艮。故其行最遲。象地之與山。不可移易。不易者。女人之德也。

歲星係于震巽。巽象草木之生動而遲也。又似風雷有時而作耳。雷震百里。風爲號令。而震動者。人君之象也。故象主德焉。

熒惑係于離。離火也。凡物之恆動不靜者。火也。火能照明糾察。燔燒穢積。故蕩除暴。故熒惑行疾於水。而

象禮官。察獄以罰萬物。易曰。相見乎離。大人以繼明照于四方。故主禮察焉。

太白係于乾。爲天體行健不息。故金行最急。易曰。悅乎兌。戰乎乾。故主兵。兵又須有威。故主威。兌爲悅。言以悅使人。以威臨物。乾兌之道也。故太白主兵焉。

辰星係于坎。坎爲水者。晝夜常流。無有休息。故水行亦速。與金相似。坎爲水爲陰。爲盜爲刑。刑盜於險。司獄之官也。故其坎所主於刑焉。

凡五星之入列宿。與中外官。其占大同。但當以理消息其吉凶。不可一一具陳也。

凡月之行也。每去五星十度內。必疾行向之。若道內外則屈。屈迴就之。過之則遲行。留止不速去。

又辰星欲見。有時依度合見。而入氣差。伏者。去之十八度內。有星者見。無星則不見。此皆相從就之大例也。並著在曆術之中。其日蝕交分亦然。其五行代王。四序不一。各於其時而爲主焉。及其司過見罰。降福呈祥。則大小異其貌。休王殊其色。或光潤明淨。或微細芒角。犯有少異。即可消息占之。不必要待其間有鬪蝕掩犯也。

四時之色。春青。夏赤。秋白。冬黑。四季黃。占於列國也。則明勝暗。喜勝怒。其憂喜之色。則以同前。

凡五星之內。有三星已上同宿爲合。凡聚合之宿。相生則吉事興。相克則凶事起。宿之行性。並於當方爲定。兼之宿占。而察其事焉。二星明相和大吉。相尅大凶。福德先至爲吉。刑禍先至爲凶。刑禍先去爲吉。福德先去爲凶。一吉一凶。兩事俱發。但當脩德以備之。二星已上聚合。皆爲改革政令。三星若合。是謂驚改。

立侯王四星若合是爲大盪其國兵喪並起君子憂小人流五星若合是謂易行改立王者掩有四方子孫蕃昌亡德受殃滅其宗廟百姓離去被滿四方五星大事大小事小

歲星占第二十四

歲星一名攝提東方木德靈威仰之使蒼龍之精也其性仁其事□其時春其日甲乙其辰寅卯其音角其數八其帝太昊其神句芒其蟲鱗其味酸其臭羶卦在震巽人主之象主道德之事故人君仁也其常體大而清明潤澤所在之宿國分大吉

易傳曰帝王人君行道德德至仁和則歲星明大潤澤明大潤澤則人君昌壽民富樂中國安四夷服人君行酷虐殘暴則歲星時時暗小微昧微昧則國亡君死是故星明則主明星暗則主暗人君從諫則歲星如度人君聽諛佞拒忠諫則歲星亂行故歲星變色亂行人君無福進退如度則奸邪止息猶如木之曲直從繩則正人君性習從諫則聖矣人君令合於時則歲星光喜年穀登人君暴怒失其理則歲星有芒角而怒矣歲星怒則兵起有所攻伐矣歲星所在之分不可攻之攻之則反受其殃矣秦之將亡也歲星聚於東井東井秦之分野秦政殘暴失政歲星仁和之理違歲星貌恭恭作肅不肅之道拒諫信讒是故二世君終於屠滅漢高之入秦也脩德布政仁和約法三章與民更始除秦暴酷故秦人欣戴焉卒入三秦之漢中而基王業也項羽後入焚燒宮室殘暴楚毒失仁之福卒於敗亡是故人君順其時處其分宣布其德而脩其政也

歲星所在處。有仁德者。天之所祐也。不可攻。攻之必受其殃。利以稱兵。所向必尅也。歲星木精。其時春也。人君春時。當順少陽德令。天子率百官。制法度。當布德和令。施惠下及兆民。無有不當。順天象。授民時。祈嘉穀。教新卒。布農令。修封疆。相地宜以導民。躬必親之。命賜司典。止殘伐。毋覆巢。毋殺胎。天飛鳥。毋麝卵。毋聚大衆。毋置城郭。掩骼埋胔。不稱兵。兵戎不起。不可以從我始。毋逆天之道。毋絕地之理。毋亂人之紀。仲春養幼少。存孤獨。省囹圄。去桎梏。毋肆掠。止獄訟。同律度。正權量。無作大事。以妨農事。無竭川澤。無漚陂池。無焚山林。命出而不納。天子布德行惠。發倉廩。賜貧窮。賑乏絕。開府庫。出穀帛。賜天下。勉諸侯。聘名士。禮賢者。止弋獵。無悖於時。無淫巧以蕩上心。則歲星無變而降福矣。失令非時。行夏令。則熒惑之氣干。則星變赤芒角。國大旱。煖氣是哀。蟲螟爲害。食人民疾疫。時雨降。山陵不收。風雨不時。旱木早落。邦時有恐。中國寇戎來征。行秋令。則太白之氣干之。星白無光。寒氣大至。民大疫。飄風暴雨。總至。藜莠蓬蒿並興。天多陰沉。霖雨早降。行冬令。則辰星氣干之。星變黑小。水澇爲敗。雪霜大至。首種不入。陽不收。麥不熟。民多相撓。寒氣時發。草木皆肅。國有大水。歲星爲仁。貌曰曲直。象木。可操曲直木曰貌。貌容儀也。貌曰恭。恭儼恪也。恭作肅。肅敬也。肅時雨若狂。恆雨若是。故人君貌恭心肅。則歲星光明盛大。無盈縮。儼而行中道。降福德而示吉祥。時雨降。人君壽。百穀成。天下安。而民樂矣。若人君酷亂恣情。則讒臣湊。變怒芒角。錯逆降示。應恆雨淫注。人君不昌。百穀不成。庶事不寧。天下有兵。夫歲星色澤微暗。進退失度。爲姦邪並興。人君無福。有芒角者。戰勝武密。曰順角指所戰勝。逆者凶。順行不可逆戰。逆行不可背之以戰。凶。

歲星與月相掩食。國有大喪。女主大臣亡。

歲星與熒惑合鬪。殺大將。與太白合鬪。有大兵。與太白相犯。有兵大戰。金在木南。南國敗。在木北。國敗。木乘金。偏將死。木與金合鬪。大將死。

歲星先至。諸星從之者。其國分人君吉。以仁德威天下矣。應留不留。其國亡。應去不去。其國昌。

歲星主齊魯青徐州。色白有喪。黑有病。亦有兵起。黃有喜。

歲星平見。入冬至初者。減八日。後六日損七日。以次六日損一日。畢於大寒四十五日。凡損十六日。盡卽平行。自入立春十一日加一日。畢於雨水。因入春分。均加四日。清明穀雨均加五日。自入立夏。畢於大暑。均加六日。自入立秋初日加六日。加後十日減五日。畢於秋分。自入寒露已後。六日減一日。畢於立冬。自入小雪。畢於大雪。均減八日。餘爲定見日。初見去日十四度。

五星行術

置星定見之前夜半日所在之宿度。算及分。各以定見去朔日算及分加之。行分滿法。六百七十乃從度。其日度星度分一名半日法也。以星初見去日度數。晨減夕加之。命度以次。則星初見所在度分求者。次日各以一日所行度及分。其金火之行而有小分者。各以日率爲母。小分滿母法。從去行分滿六百七十。去從行度日一度。其有益遲益疾者。則別置一日行分。各以疾益遲損乃加之。留者因前退卽減之。伏不注度。順行出虛。去其分已也。行入斗。先加分。

歲星初見順。見順日行一百七十一分。日益遲一分。一百一十四分。日行十九度三百二十三分。而留二十六日。乃退。日行九十七分。八十四日。退十二度一百八十分。又留二十六日。乃順行。初日行五十八分。日益度一分疾。一百一十四日。行十九度三百二十三分而伏。

歲星入列宿占第二十五

角。歲星犯左角。天下之道皆阻塞。犯右角。天下更王。使絕滅。守留角中。五穀成熟。留之一百日。兵起。木犯守角。王者大赦。忠臣用。木乘左角。法官誅。木乘右角。大將軍死。木逆行於角。人主出入不時。若有急事。千里之行。凡木犯守乘左角七日已上。天下大赦。守右角。賢士用。期七十日。亢。歲星犯亢。天子坐之。則敗於君。木數入亢。其國疾疫。木經亢。韓鄭有兵。木守亢。小兵。木逆行守亢。爲中國兵。木犯守亢逆行。失國。其明色。大政不用。氏。木犯氏。國無儲。木舍守氏。其國歲熟。賤人有疾。木乘氏之右星。天下有大水。大兵。木乘氏左星。天子有自將兵於野。木出入舍氏者。天庫之星也。其國有急令。其歲太平。環而守之。其國以兵致天下。氏爲嬖妾有喜者。若與月合在氏而暈。不出四十日有德令。木守氏。王者立后。期十八日。木犯逆行守氏。國大飢。人民流亡。亦爲人多病。房。木入房十日。成句已者。爲天子惡之。以赦解之。金水同占。又曰。爲皇后夫人喪。謂房東行復還返也。木舍房。氏色不明。有喪。又曰大水。木守房。爲大人憂。以赦解之。木犯房。將相有憂。木舍房。人主

喜其將相大吉。

心。木近心。七日以內有暴貴者。遠不出百八十日。木經心。清明列照。天下內奉王化。帝必延年。木乘心。其國相死。木居守心。王者行天心。陰陽和。天下大豐。五穀成熟。有慶賜。賢士用。皆有德令。木犯乘守心。大人凶。木中犯乘。凌太子位。太子憂。犯少子位。少子憂。尾。木入尾者。易后太子者。后族有升顯者。不出百八十日。木守尾。民人爲憂。大臣作亂者。若反逆從大將家起。若中有讒諛者。期二十日。若卿出當之。木乘犯尾。早穀大貴。人人相食。木守尾三十日。王者立貴后夫人。若生太子。欲封寵后族。人主以嬪爲后。箕。木入箕。天下兵亂。箕中有一星。民莫處其室。箕。木在箕南。旱。在箕北。有水。其年木入箕。踵者。歲熟之象也。木入箕中行疾中。有口舌相讒事。期五十日。若百三十日。木守犯出箕。多惡風。穀大貴。天下大旱。飢死過半。民相食。斗。木犯南斗。爲有赦。木乘凌南斗。有大臣反伏誅者。木入南斗中。死者甚衆。木經南斗。魁。失道者死。木經南斗。吳國福。歲大熟。木入南斗。若留守十。所居之國當誅。牛。木犯牽牛。越獻金銀。木居牽牛。三十日至九十日。天下和平。道德明。四夷朝中國。木入牽牛。農人死於野。陰陽不和。五穀多傷。木犯牛。留守之。爲有破軍殺將。牛多死。女。木入須女。有進美女者。大人慶。若宜女喜。立后。拜太子。期四十日。若九十日。宮人有受賜者。木守須

女逆行其君廢農桑。木守須女米一斗三百。民有自賣者多火災。木逆行留守凌犯須女天子及大臣有疾必有苛政布帛貴賤不時。

虛木入虛天下大虛。木經虛齊國多憂。木守虛七日已上盡三十日王者起宗廟脩陵冢有白衣之會不出九十日。木入守虛留守之二十日不下有立諸侯六十日不下國有死將百日不下改年號大臣戮死期二年。木犯虛而守之王者以凶改服有白衣之會不出六十日天下大飢人民流千里君臣離散。

危木舍危南雨血膏王室。木守危三十日若二十日諸侯天子更宮室民多土功有哭泣之事又爲多盜賊民相惡之。

室木犯營室犯陽爲陽有急犯陰爲陰有急木入營室而人主有賞賜之事天下當有受賜爵祿者。木處營室東壁赦其去陽之陰天下喜牢獄虛。木守營室民疾病有德者得地歸與民爵。

壁木居東壁五穀以水傷。木守壁天下大赦王者有堯舜之治四海同心。木犯壁天下兵起一曰狄兵起。

奎木入奎其年五穀以蟲爲害。居其南糴賤牛馬繒帛皆賤。居其西糴物貴人不安。木處奎中小赦。木守奎北狄來降。木逆行入奎而守之其君好攻戰兵甲不息人民流亡不安其居。婁木入婁國有聚人主喪期一年。木守婁王者承天位天下安寧有慶賀有兵罷木逆行守婁其君牢。

吏斷獄不用不以時民多怨訟若有赦令

胃木犯胃爲天下五穀無實以爲災。木經胃、昂、畢、趙、水滂、魚行人道。木守胃、國以無義失幣、有水旱

事。木守胃、王者順天德、中畿國昌。

昂木乘昂、若出北者、爲陰國有憂、若胡王死。木守昂東、糴大貴、三月後守北、其歲有德令。木守昂、王

者有德令、昂者、天之內室、歲星近之、下獄之臣有解者、不出四十日。木守昂畢、東行至天高、復反至五

車、爲邊兵、一曰爲赦令。木守昂、入守天獄、天下獄虛。木乘守昂、若出北者、爲陰國有憂、胡王死、土水同占。

畢木犯畢、出其北、陰國有憂、出其南、爲陽國有憂。木入畢口中、邊有兵。木出畢陽則旱、出畢陰則水

爲災、政令不行。木處畢北、其年有赦令、有別離之國、奪地之君、一曰歲水、處畢南、有土功、男子多疾疫、

歲旱、晚水、處東、多暴雨、金器刀劍貴。木守畢口、國大赦、王賜夷狄、若有功德令、一曰糴大貴。木犯附

耳、兵起、若將相喪憂、不卽死退。

觜木犯觜、其國兵起、君誅罰不當。

木守觜、君臣和同。木犯守觜、不出一旬、必有覘候之事、農夫不耕、天子皇后俱憂、期甲辰日。

參木犯參、水旱穀不收。木處參東、若處伐東、東多流人、多暴雨、處參北、若伐北、多衝水。木處參、天下

農夫不耕。

有赤星出參中、邊有兵起。木入若守伐、天下有兵。

井木入東井。主秦國留守之以仁致天下。木犯東井。人主有行仇水之事。大將惡之。其國內亂。有兵起。

木犯井鉞。刑罰用兵起。木乘守東井。人主有法令水衡之事。逆臣爲亂。將軍死。人君有憂。

鬼木犯鬼鎖。人君有憂。斧鎖用大臣誅。木入鬼。留十日已上。令散於諸侯。期六十日。若十月。木逆行。

抵輿鬼中央者。其君主之。木守鬼。爲大人有祭祀之事。木守鬼。出於左右。貴親坐之。木守輿鬼西。

南。爲秦漢有反臣。以赦令解之。木干犯守天尸。國有喪。天尸。鬼中粉白者是。

柳木犯柳者。有木功事。若名木見伐者。木經柳。國多義兵。木守柳。貴臣得地。有德令。不出九十日。

木逆守柳。爲反臣。中外兵起。以德令解之。

星木入七星。有君置太子者。木留七星。爲天下大憂。木守七星。多火災旱。萬物五穀不成。有兵飢。

木入若守七星。盜賊有兵。

張木入張。旱多火災。萬物百穀不成。木逆行張。其君用樂淫佚。木處張西。歲大水。東爲大旱。木守。

張。天子有慶賀事。木守張十日。其歲大豐。五穀成。三十日不下。天下安寧。守之留百日。其主昇平。君臣。

同心。木逆行守張。人民疾疫。多心腹病。木犯張。若守之。王者政事。若有千里之行。

翼木入翼。人多死流亡。五穀傷於風。期一歲中。木出入留舍翼。荆楚有急。歲多大蟲。六十日不下。小人。

失功。木守翼。王者應天。又方術之士大用。翼輔正政。天下符瑞。不出九十日。木守翼。主聖。天下和。五。

穀登。人民樂禮義興。

軫木入軫中伺其出日而數之期二十日皆爲兵發伺始入處數之率一日期十日軍罷二十八宿中外官同有此占。木逆行至軫及守之其國有喪人君改服天下更主之令期二年王者以赦除害一曰所舍七日不移有殺君者。木逆行至軫及守之其國有喪人君者。木在軫王者憂疾病若有喪不出九十日改服王者脩宗廟赦三萬里內災消。木處軫東糴貴。木處軫西有女喪若有水。木守軫南六畜及車貴。木守軫北爲多疾病。

五星干犯中宮占第二十六

五星犯攝提臣謀其君若主出之有兵起期一年。五星犯守大角臣謀主有兵起人主憂王者戒慎左右不出八十日遠期一年。五星入市中將凶一曰五官有憂一曰赦。五星犯帝座爲臣謀主有逆亂事。五星犯守東西咸爲臣有不從令有陰謀。五星犯天江天下水若入之大水滿城郭人民飢去其鄉。五星干犯五車大旱若喪犯庫星兵起北方西方犯倉穀貴有水。木入五車兵大起五穀大成。木入建星諸侯有謀入關者期六十日若百五十日。五星犯建星大臣相諧。五星犯離珠宮中有爭若有亂宮者若宮人有罪黜者。五星入天市將軍興軍者吉。五星守犯天關道路絕天下相疑爲有關梁之令。木守天關有兵起期三年。木行南河戒中爲四方兵起百姓疾病。木乘南河戒中出南河爲中關兵起。歲星乘北河戒中若出北河戒北爲胡王死。五星出北河戒北若乘北河戒爲女喪。五星中犯乘守五諸侯諸侯死期三年。五星入五諸侯伺其日出而數之皆二十日兵發伺始入處。

率百日。期十日軍罷。巫咸占曰。五星入二十八宿宮中。外宮同。五星犯守積水。其國有水災。物不成。魚鹽貴。一曰水潦爲敗。糴大貴。民飢。期三年。五星犯守積薪。天下大旱。五穀不登。人民飢。五星犯守水位。天下以水爲害。津梁阻塞。一曰大水入城郭。傷人民。皆走。期二年。五星守酒旗。則天下大酺。賜爵宗室。木在軒轅中。有女子反謀君者。木行犯守軒轅。女主失勢。一曰大臣當之。若有黜者。期二年。木中犯乘守軒轅。太民星大飢。大流皇太后宗。木乘犯守軒轅。少民星小飢。小流皇后宗。有誅者。若有罪戮。木入少微。君當有求賢佐。不求賢佐。則失威奪勢。木犯守少微。名士有憂卒。王者任用小人。忠臣被害有死者。五星入天庭。色白潤澤。期百八十日。有大赦。五星東行入太微庭。歲不登。人民飢。遲出東門。天下有急兵。若守之。將相大臣御史有死者。若入端門守庭。大禍至。入南門。出東門。國大旱。入南門。逆行出西門。國有大水。逆行入東門。出西門。大國破亡。若順入西門。蕃而留不出。楚國凶殃。五星若從右入太微。主有大憂。有赦。犯將相執法。大臣有憂。執法者誅。金火尤甚。五星入太微中華東西門。若左右掖門而出端門者。必有反臣。五星犯黃帝座。改易主。天下亂。存亡半。木逆來犯帝座。其色白者。有赦。歲星守黃帝座。大人憂。五星犯守四帝座。臣謀主去之。去一尺。事不成。五星中犯乘守四帝座。辟君也。星中犯乘四帝座。天下半亡。五星守內屏星。君臣失禮。下而謀上。一曰大臣有戮死者。

歲星犯平星凶。木守平星。執政臣憂。若有罪誅者。期一年。五星入羽林。有兵起。若逆行變色。成句已。天下大兵。關梁阻塞。不出其年。木守入羽林。諸侯悉發兵。強臣謀主。王者有憂。期三年。五星犯天廩。天下亂。大飢。粟散。出其年。五星守參旗。兵大起。弓弩用。大將出行。一日。弓矢貴。